



Kev Pab Cuam Tsev Neeg

Family Stabilization Services (FSS)

Muaj ib qhov khoos kas pab cov tsev neeg ua txais MFIP los sis DWP ua muaj teeb meem nrhiav tsis tau hauj lwm los sis tuav txoj hauj lwm. Cov nroog yuav tau pab cov tsev neej es los muab qhov Family Stabilization Services (FSS) kev pab cuam rau lawv.

Muaj dabtsi zoo txog FSS?

- Koj muaj feem tau kev pab cuam kom koj tsev neeg muaj kev nyob ruaj.
- Koj muaj feem hloov koj qhov Employment Plan txoj hauv kev nrhiav hauj lwm. Qhov Hauv Kev Npaj muab sij hawm tsawg rau koj ua hauj lwm los sis nrhiav hauj lwm thiab muab sij hawm rau koj mus ntsib cov neeg koj teem caij nrog lossis mus nrog tus neeg ntuas tham.
- Pab kev pab cuam no pab kom koj txhob raug nplua.



Leej twg thiaj txais tau FSS?

Koj txais tau FSS yog koj muaj li nram no:

- **Koj thov nyiaj SSI los sis Social Security Benefits vim koj xiam oob qhab.** Koj yuav tau muaj daim ntawv pov thawj los nram Social Security.
- **Koj muaj mob, raug mob, los sis xiam oob qhab. Qhov no suav mob lub cev los sis mob hlwb. Nqa pov thawj ntawm tus kws kho mob hais tias:**
 - Koj tus mob, kev raug mob, los sis xiam oob qhab yuav mob tshaj 30 hnuv, thiab
 - Nws txwv koj ua tsis tau hauj lwm tshaj 20 teev ib lim tiam.
- **Koj tu thiab saib xyuas ib tug neeg hauv koj tsev neeg ua muaj mob hnyav los sis xiam oob qhab.** Nqa ntawv pov thawj ntawm koj tus kws kho mob hais tias:
 - Tus tib neeg ntawd muaj mob los sis xiam oob qhab
 - tus mob yuav mob ntev tshaj 30 hnuv
 - koj yuav tsum tau nyob hauv tsev tu tus neeg ntawd
- **Muaj ib tug me nyuam los sis neeg laus hauv koj tsev neeg ua tsim nyog txais tau kev pab tshwj xeeb kho mob.** Piv txwv, koj muaj ib tug me nyuam puas siab heev, ib tug neeg laus muaj ib qhov mob loj los sis mob hlwb, los sis ib tug neeg ua tsim nyog muaj ib tug neeg tu thiab siab xyuas lawv. Nqa daim ntawv pov thawj ntawm koj tus kws kho mob los sis tus neeg pab ntuas mob.

- **Koj yog ib tug raug ua phem/ntuas hauv tsev.** Saib peb daim ntawv tseeb [MFIP thiab FSS rau Cov Tib Neeq Raug Tsim Txom hauv Tsev Neeq.](#)
- **Koj nyob hauv Teb Chaws Meska tsis tau muaj 12 lub hli txawm tom qab hnuv tuaj txog.**
- **Koj muaj hnuv nyoog 60 xyoo rov saum**
- **Koj nyeem los sis sau tsis tau ntawv,** koj tsis to taub los sis txawj hais lus Askiv, koj muaj teeb meem txog kev siv yeeb siv tshuaj los sis dej cawv, muaj ntaub ntawv raug txim yav tag los, nrog rau ib tug kws paub txhij hais tias koj ua tsis tau hauj lwm tshaj 20 teev ib lim tiam. Muaj li no vim koj tsis paub hais los sis to taub lus Askiv, koj muaj teeb meem txog kev siv yeeb siv tshuaj los sis dej cawv, tham nrog tus kws pab nrhiav hauj lwm kom cia koj nrog tus kws paub txhij tham.
- **Koj txoj kev kawm tsis feeb meej, los sis koj muaj IQ qi dua 80,** thiab qhov no txwv yam hauj lawm koj ua tau los sis ua kom koj ua tsis tau hauj lwm 20 teev los tshaj ib lub lim tiam. Nug koj tus kws nrhiav hauj lwm kom pab soj ntsuam koj.
- **Koj txias tau MFIP tshaj 60 lub hli vim lawv muab txuas ntxiv.**

Yuav ua cas kuv thiaj tau FSS?

Yog koj xav tias koj yuav tsim nyog tau FSS, tham nrog koj tus kws nrhiav hauj lwm. Koj tus kws nrhiav hauj lwm mam qhia tias yuav ua li cas ntxiv. Yog tias qhov ntawm tsis tau, nrog koj tus kws nrhiav hauj lwm tus nais tham.

Kuv puas yuav tsum tau muaj ib daim ntawv sau npaj yog kuv tau FSS?

Koj yuav tau ntsib nrog ib tus kws nrhiav hauj lwm tham los txoj kev npaj rau FSS. Txoj kev npaj los ntawm FSS yuav tsum muaj kev ua khoom koj toob kas los pab koj tsev neeg. Piv txwv, muaj li kawm ntawv ESL los sis GED, mus kuaj mob, nrhiav tsev nyob, lwm yam. Koj muaj feem tau kev pab thauj koj mus thiab zov me nyuam kom cia koj mus koom tau FSS cov kev ua wb no.



Yog kuv raug nplua, kuv hloov mus rau FSS puas tau?

Feem ntau tsev neeg raug nplua yuav tsum nyob hauv FSS. Tsis tas kom tawm qhov kev nplua thiaj li hloov tau mus rau FSS.

COVID-19: Tsis muaj kev nplua rau lub sij hawm kev ywj pheej thaum muaj xwm ceev.

Tshem tawm kuv qhov kev nplua puas tau?

Feem ntau tsev neeg tawm tau kev nplua yog lawv mus ntsib nrog lawv tus kws pab FSS. Tej zaum tawm tau qhov kev nplua rau cov hli ua ntej yog koj muaj ib qhov tseem ceeb. Ib qhov tseem ceeb, xws li muaj mob, tsis muaj neeg zov me nyuam los sis kev thauj koj mus los, muaj xwm txheej ceev, muaj teeb meem sib ntaus hauv tsev, los sis lwm yam ua txwv kom koj ua tsis raws li koj qhov kev npaj nrhiav hauj lwm. Yog koj xav tias koj yeej txais tau FSS thiab koj tseem nrhiav pov thawj koj tsim nyog tau, koj qhov kev nplua yuav tsum muab tshem tawm. Yog koj tus kws nrhiav hauj lwm tsis tshem koj qhov kev nplua, sau ntawv rov mus hais dua.

Yuav ua li cas yog kuv nug kom muab kuv nyob rau hauv FSS tab sis tus kws nrhiav hauj lwm hais tias kuv tsis tsim nyog tau?

- Tham nrog tus nais ntawm koj tus kws nrhiav hauj lwm.
- Koj muaj cai sau ntawv rov mus hais dua qhov kev txiav txim. Saib peb daim ntawv tseeb [Rov Hais Dua Txog Tsoomfwv Nyiaj Pab Pejxeem \(Welfare\) rau DHS.](#)
- Hu rau [Legal Aid](#) tam sis no.



Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoo lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2021 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.